

BESTELAKO XEDAPENAK

ENPLEGU ETA GIZARTE POLITIKETAKO SAILA

432

AGINDUA, 2015eko urtarrilaren 20koa, ordezkatzeko duena 2015eko urtarrilaren 12ko Agindua, Enplegu eta Gizarte Politiketako sailburuarena, Europako Gizarte Funtsaren baterako finantzaketa lortzeko egiten den deialdian parte hartzeari buruzkoa; deialdi hori Euskal Autonomia Erkidegoko 2014-2020ko Gazte Enplegurako Programa Operatiboaren tarte autonomikoan sartzen da; argitaratu da 2015eko urtarrilaren 19ko 11. zenbakidun Aldizkarian.

Europako Parlamentuaren eta Kontseiluaren 2013ko abenduaren 17ko 1304/2013 (EB) Erregelamenduak, Europako Gizarte Funtsari buruzkoak, Kontseiluaren 1081/2006 (EB) Erregelamendua indargabetzen duenak, 2. artikuluan ezarritakoaren arabera, Europako Gizarte Funtsak honako helburu hauek ditu: enplegu-maila eta enpleguaren kalitate-maila altuak sustatzea, lan-merkatuak sarbi-deak hobetzea, langileen mugikortasun geografikoa zein profesionala bultzatzea, langileak garapen iraunkorra bermatzeko beharrezkoak diren industria-aldaketara zein beharrezko ekoizpen-sistemen aldaketetara moldatzen laguntzea, pertsona guztiek hezkuntza- eta prestakuntza-maila altua edukitzea, gazteei heziketatik lanerako bidean laguntzea, txirotasunaren aurka borrokatzea, gizareratzea babestea eta genero-berdintasuna, bereizkeriarik eza zein aukera-berdintasuna bultzatzea. Guzti horrekin, ekonomia-, gizarte- eta lurralde-koherentsia hobetzeko bidean Europar Batasunaren lehentasunei erantzuten lagunduko du.

Orobat, Europako Parlamentuaren eta Kontseiluaren 1303/2013 (EB) Erregelamenduak, 2013ko abenduaren 17koak, batetik, Eskualde Garapeneko Europako Funtsari, Europako Gizarte Funtsari, Kohesio Funtsari, Landa Garapeneko Europako Nekazaritza Funtsari eta Itsasoaren eta Arrantzaren Europako Funtsari dagozkien xedapen komunak ezartzen dituenak, eta, bestetik, Eskualde Garapeneko Europako Funtsari, Europako Gizarte Funtsari, Kohesio Funtsari eta Itsasoaren eta Arrantzaren Europako Funtsari dagozkien xedapen orokorrak ezartzen dituenak, 9. artikuluan xedatzen du gaikako zein helburutara bideratuko diren Funtsak, hazkunde adimentsu, iraunkor eta integratzailea lortzeko Batasunaren estrategiari laguntzeko, bai eta Funtsen misio bereziei ere, Itunean oinarritutako helburuak aintzat hartuta.

Europako Gizarte Funtsari buruzko 1304/2013 (EB) Erregelamenduak, 2013ko abenduaren 17koak, Funts horrek sustengatuko dituen inbertsio-lehentasunak ezartzen ditu, 1303/2013 (EB) Erregelamenduaren 9. artikuluko lehen paragrafoko 8., 9., 10. eta 11. puntuetan zehazten dituen gaikako helburuen arabera.

Euskal Autonomia Erkidegoan, apirilaren 9ko 19/2013 Dekretuari eta horren idazketa aldatzen duen maiatzaren 20ko 79/2014 Dekretuari jarraiki, Enplegu eta Gizarteko Politiketako Sailari dago-kio Europako Gizarte Funtsaren plangintza, kudeaketa, kontrola eta jarraipena egiteko beharrezko jardunak gauzatzea.

Era berean, Sail horrek du eskumena deialdi hau eta dagokion eragiketa-hautaketa egiteko, Programa Operatiboaren Kudeaketa Agintaritzak funtzioak besterentzeko sinatutako akordioak ematen dion ahalmena dela medio.

Subsidiaritasunaren, proportzionaltasunaren, finantza-kudeaketa onaren eta osagarritasunaren printzipioak bermatzeko, arlo publiko eta pribatuaren parte-hartzea bultzatzeko eta asoziazio- zein gobernantza-printzipioak hainbat mailatan sustatzeko, Eusko Jaurlaritzak erabaki du beste orga-

nismo eta erakunde batzuei Europaren finantziazioan parte hartzeko aukera ematea, Europako Gizarte Funttsaren esku-hartzeko arloen barruan eta, zehazki, Agindu honetan zehazten diren gai-kako helburuetan eta inbertsio-lehentasunetan sartzen diren jarduketa-ildoen deialdi bat eginez.

Europako Gizarte Funtsetik datorren finantziazioaz gainera, parte hartzeko eskabidea aurkezten duten erakundeek beren jarduketa-proposamenen guztizko kostua estaltzeko adina finantziazio dutela bermatu beharko dute, bai beren baliabideekin edo bai erakunde publiko zein pribatuetako finantzaketaren bidez.

2014-2020ko Gazte Enplegurako Programa Operatiboa Europako Gizarte Funttsaren esparruan garatzen da, 2014-2020 aldirako, Gazte Enplegurako Ekimena bideratu eta Gazte Bermeko sistemak abian jartzeko helburuarekin eta, azken buruan, gazteen langabeziari aurre egiteko. Espainiako gobernuak erabaki du lurralde osoko onuradunen kolektiboari eman beharreko arreta programa bakar batean biltzea; programa horren barruan tarte nazionala (Estatuko Administrazio Orokorrak finantzatu eta kudeatua) eta tarte autonomikoa (autonomia-erkidegoek finantzatu eta kudeatua) daude.

Lanean, ikasten eta inolako prestakuntzarik jasotzen ari ez diren eta eskualde hautagarrietan bizi diren gazteei zuzentzen zaie Gazte Enplegurako Ekimena; hautagarritzat jotzen dira 2012an % 25etik gorako gazte-langabezia zuten eskualdeak.

Gazte Bermea Kontseiluaren 2013ko apirilaren 22ko Gomendioan oinarritzen da (2012/K 120/01), eta estatuei eskatzen die 25 urtetik beherako gazte guztiek enplegu-eskaintza ona, etengabeko hezkuntza, ikastun-prestakuntza edo praktika-aldia jaso behar dutela langabezian geratu ondorengo edo heziketa formala bukatu ondorengo lau hileetan.

Gazte Enplegurako Programa Operatiboan sartutako ekintzen hartzaileei Espainian «nini» gazteak deritze: 16 urte baino gehiago eta 25 urte baino gutxiago dituzte (edo 30 baino gutxiago, % 33ko edo hortik gorako desgaitasun-maila badute), langabezian daude eta ez dute ikasten ez inolako prestakuntzarik jasotzen. Kontzeptu hori NEET gazteen («neither in employment, nor in any education and training») ohiko definizioaren baliokide gisara ulertu behar da, Eurostatek adierazitakoaren harira Europako Batasuneko Enplegu Batzordeak 2010eko apirilean kontzeptu hura ezarri ondoren. Era berean, gazte horiek uztailearen 4ko 8/2014 Errege Lege Dekretuak IV. Tituluan araututako Gazte Bermerako Sistemaren fitxategian izena emanda egon beharko dute eta, horrenbestez, izena emateko eskakizunak bete beharko dituzte, modu horretan Gazte Bermeko neurri eta ekintzen hartzaile izan ahal izateko.

2014-2020ko Gazte Enplegurako Programa Operatiboaren barruan, ekintza batzuk gazteei bideratzen zaizkie, zuzenean; beste batzuk, ordea, ekintza horien oinarrian dauden egiturekin eta sistemekin lotuta daude. Gazte Enplegurako Ekimenean (GEE), zehazki, «nini» gazteei zuzenean bideratutako ekintzak sartzen dira soilik, eta Ekimen horretatik kanpo gelditzen dira zuzeneko jarduketan garapenean sostengua ematen duten zeharkako jarduketak. Zuzeneko jarduketa horiek 2014-2020ko Gazte Enplegurako Programa Operatiboaren 5. ardatzean jasotzen dira; ardatz horretara bideratzen da, hain zuzen, EBren GEErako aparteko ekarpena eta % 92,5eko finantziazioa jasotzen du.

Eusko Jaurlaritzak Europako Gizarte Funttsaren 2014-2010ko Gazte Enplegurako Programa Operatiboan sartzen dituen finantziazioa jaso behar duten jardueren osagarritasun- eta gehigarritasun-printzipioak bermatze aldera, Agindu honek ezartzen du zer lan-arlotan sartu beharko diren aurkeztutako proposamenak –arlo horiek Programa Operatiboan garatutako Europako araudian zehaztutako gaikako helburuen eta inbertsio-lehentasunen barruan daude–, bai eta zer helburu espezifiko izan behar duten ere. Hau da, 8.2 inbertsio-lehentasuna, 8. gaikako helburua lortzen

laguntzen duena: «Enpleguaren iraunkortasuna eta kalitatea sustatzea eta lan-mugikortasuna bultzatzea». GEEko funtsak 2014 eta 2015 urteetan programatu beharko direnez gero, Agindu honek bi urte horietan soilik izango du finantza-zuzkidura; nolana ere, N+3 araua aplikatuta, jarduerak 2018an bukatzeko aukera dago.

Hori guztia dela bide, eta apirilaren 9ko 19/2013 Dekretua, Enplegu eta Gizarte Politiketako Sailaren egitura organikoa eta funtzionala ezartzen duena, indarrean dagoelarik,

EBAZTEN DUT:

1. artikulua.– Xedea.

1.– Deialdi honen xedea da Euskal Autonomia Erkidegoan erakundeek 2014-2020ko Gazte Enplegurako Programa Operatiboaren parte autonomikoan lehia bidez parte har dezaten sustatzea; era berean, Agindu honek ezartzen ditu Europako Gizarte Funtsaren finantziazioa jaso ahal izateko partaidetza-eskakizunak, bai eta proposamenak zein entitateak balioesteko irizpideak ere.

2.– Deialdi honetan parte hartzen duten entitateek aurkezten dituzten jarduketa-lerroen esku-hartzeko eremuak zuzenean lotuta egon beharko dute Batasuneko araudiak ezarritako 8. Gaikako Helburuarekin eta 8.2 Lehentasunarekin. Azken horiek gazteak eta, bereziki, langabezian daudenak eta ikasten ez inolako prestakuntzarik jasotzen ari ez direnak, lan-merkatuan iraunkorki integratzea sustatzeko ezarri eta hautatu ziren. Esparru horren barruan gara daitezkeen ekintzak Agindu honen I. eranskinean zerrendatu dira.

3.– Aurkeztutako jarduketa-ildoak gauzatzeko epea deialdi hau argitaratzeko unean hasiko da, eta 2018ko abenduaren 31n bukatuko, 1303/2013 Erregelamenduak 133. artikuluan xedatutakoa arabera.

2. artikulua.– Finantza-zuzkidura.

1.– Hamabi milioi (12.000.000) eurokoa izango da, gehienez ere, 2014-2010ko Gazte Enplegurako Programa Operatiboaren barruan deialdi honen bidez eman daitekeen laguntza, Europako Gizarte Funtsaren EAEko Programa Operatiborako parte autonomikoari dagokiona.

EAEko Gazte Enplegurako Programa Operatiboan, Batasuneko funtsen finantzaketa % 92,5ekoa izango da 5. ardatzean (ekintza zuzenak). Hala, bada, erakunde eskatzaileek ekintzen guztizko kostuaren gainerako % 7,5 bermatu beharko dute.

2.– Aurkeztutako partaidetza-proposamenen kostuen aurrekontuei dagokienez, honako muga hauek ezarri dira, Europako Gizarte Funtsaren laguntzaren zenbatekoari dagokionez: gutxienez 500.000 euro eta gehienez bi milioi euro.

3.– Europako Gizarte Funtsaren finantziazioan parte hartzeko agindu honen barruan, erakunde bakoitzeko bi eskabide onartuko dira gehienez ere, eta inolaz ere ez dira emango Europako Gizarte Funtseko diru-laguntzaren bi milioi euro baino gehiago erakunde eskatzaile bakoitzeko.

3. artikulua.– Diruz lagun daitezkeen jarduerak.

Aurkeztutako proposamenen babesean gauzatuko diren ekintzak, oro har, enplegua sustatu eta laneko mugikortasuna bultzatzeko gaikako helburuaren barruan (8. gaikako helburua) sartu beharko dira, Programa Operatiboaren 1. ardatzean; bereziki, inbertsio-lehentasunean (8.2) eta Agindu honen I. eranskinean zerrendatzen diren helburu espezifikoaren barruan sartu beharko dira.

Ekintzak Gazte Bermearen esparrutik eratorritako ekintzaren baten onuradun izan daitezkeen pertsonen zuzentzen zaizkie eta, uztailaren 4ko 8/2014 Errege Lege Dekretuak, hazkundera, lehiakortasuna eta eraginkortasuna handitzeko premia neurriak onartzen dituenak, ezarritakoaren arabera, Gazte Bermerako Sistema Nazionalaren Fitxategian izena eman beharko dute; horretarako, honako baldintza hauek bete beharko dituzte:

Gazte Bermerako Sistema Nazionalaren Fitxategian izena emateko eskaria aurkezten duten unean 16 urte baino gehiago eta 25 baino gutxiago izatea, edo 30 baino gutxiago, % 33ko edo hortik gorako desgaitasun-maila badute.

Gazte Bermerako Sistema Nazionalaren Fitxategian izena eman aurreko egutegiko 30 egunetan lanik egin ez izana.

Eskabidea aurkeztu aurreko egutegiko 90 egunetan hilean 40 ordu baino gehiagoko hezkuntza-jarduerarik jaso ez izana.

Eskabidea aurkeztu aurreko egutegiko 30 egunetan hilean 40 ordu baino gehiagoko prestakuntza-jarduerarik jaso ez izana.

Ekintzak Programa Operatiboaren Kudeaketarako Agintaritzak hautatutako operazioetara eta Jarraipen Batzordeak onartutako hautaketa-irizpideetara doituko dira (1303/2013 Erregelamenduen 2., 110. eta 125. artikulua).

4. artikulua.– Printzipio horizontalak..

1303/2013 (EB) Erregelamenduak 7. eta 8. artikuluetan Europako Egiturazko eta Inbertsioko Funtsen laguntzei buruz ezarritako printzipio horizontalak bermatze aldera, aurkeztutako jarduketak-ildoez berariaz eta programazioaren, gauzatzearen zein ebaluazioaren fase guztietan aplikatu beharko dituzte printzipio horiek, hots:

a) Emakumeen eta gizonen arteko aukera-berdintasuna bultzatzea, ekintzen programatzeko zein gauzatze fase guztietan genero-ikuspuntua sartuz.

b) Bazterkeria-eza sustatzea eta gizarte-bazterketaren aurka borroka egitea.

c) Garapen iraunkorra.

5. artikulua.– Entitate onuradunak.

1.– Europako Gizarte Funtsaren 2014-2020 Gazte Enplegurako Programa Operatiboan honako erakunde hauek izan ahalko dira finantziazioaren onuradunak:

a) Foru-aldundiak eta foru-sektore publikoa.

b) EAEko udalak eta tokiko sektore publikoko entitateak.

c) EAEko sektore publikoko entitateak.

d) EAEko tokiko edo eskualdeko garapenerako agentziak eta horiekin lotutako elkarteak.

e) EAEn egoitza edo ordezkaritza duten irabazi-asmorik gabeko elkarteak, legez osatuak, baldin eta horien jardura eta gizarte-helburua bat badator 2014-2020ko EAEko Gazte Enplegurako Programa Operatiboaren parte autonomikoan parte hartzeko hautatutako gaikako helburuekin eta inbertsio-lehentasunekin, eta indarreko legeriak laguntza horien onuradun izateko ezarritako gainerako eskakizunak betetzen badituzte.

f) EAEn egoitza edo ordezkaritza duten entitateak, baldin eta horien merkataritza-jarduera xede sozial baten mende badago, lehentasunez, eta azken hamar urteetan bere irabazien % 70 xede sozial horiek lortzean inbertitu badute.

Zuzendaritza kudeatzaileak hori egiaztatzeko egokitzen jotzen dituen agiriak eskatu ahalko ditu, hala nola: ikuskapen-ziurtagiriak, emaitzen kontuak, irabaziak xede sozialetan aplikatu izanaren egiaztapenak, etab.

2.– Hainbat erakundek lankidetzan aurkeztutako partaidetza-proposamenetan lehen onuradunaren irizpidea aplikatuko da; horrela, entitateek bat izendatuko dute arduraduntzat, eta entitate hori arduratuko da ordezkaritza-lanak egiteaz eta Eusko Jaurlaritzarekin harremanetan jartzeaz.

3.– Entitate eskatzailea pertsona juridiko bat denean, eskatzaile horri atxikitako beste pertsona juridiko batzuek diru-laguntza funtsatzen duten jarduerak guztiak edo horietako batzuk haren ize-nean eta haren kontura gauzatzeko konpromisoa hartzen badute, kide horiek ere onuraduntzat joko dira.

6. artikulua.– Entitate onuradunen betebeharrak.

1.– Eusko Jaurlaritzaren aurrean solaskide gisara jardutea, bai eta, hala dagokionean, Europako Gizarte Funtsaren Unitate Administrazioarekin (aurrerantzean EGFUA) eta Europako Batzordearen aurrean ere.

2.– Europako Gizarte Funtsaren 2014-2020 Programa Operatiboaren babesean finantzatutako jardueren buruzko jatorrizko agiriak gorde eta zaintzea Europako Batzordeak Programa Operatiboa itxi arte, Agindu honen 20. artikuluan ezarritakoaren arabera.

3.– Jarduerak garatu eta iraunarazteko adina aurrekontu-zuzkidura izatea.

4.– Kontabilitate-sistema berezia gordetzea Batasunaren finantziarioa jasotzen duten operazio edo ekintzekin lotutako transakzioetarako edo, gutxienez, kontabilitate-kodifikazio egoki bat edukitzea, transakzio horiek modu argian identifikatzeko modua ematen duena.

5.– Parte-hartzaileen datuak behar bezala erregistratzea, mikrodatuen mailan.

6.– Aplikazio informatikoen bidez tratatzen den informazioa behar bezala biltegiratzen dela eta osorik eta segurtasunez gortzen dela bermatzea.

7.– Hainbat entitatek batera parte hartzen duten jarduketako-ildoetan, entitate eskatzaileek bakoitzaren eginkizunak eta jarduerak zein diren azaldu beharko dute lankidetzako-proposamenaren barruan. Eginkizun-banaketa egiteak esan nahi du, orobat, helburuak lortzeko eta adierazleak betetzeko entitate bakoitzak duen pisu finantzarioa ere esanbidez azaldu behar dela, eta zer erantzukizun finantzario hartu behar dituzten beren gain baldin eta Batasuneko laguntza itzultzeko eskatzen bazaie, finantza-zuzenketaren bat dela medio.

8.– Genero-ikuspuntua aplikatzeko gaitasuna ziurtatzea. Genero-arloan espezializatutako langilerik ez badute, adituren baten aholkularitza kontratatu beharko dute aurkeztutako jarduketako-ildoak garatzeko. Horren berri aurrekontuan jaso beharko da, esanbidez.

9.– Europako Gizarte Funtsaren laguntza jaso izana esanbidez adierazita uztea eta informazioa eta publizitatea bermatzea, aplikagarria den Batasuneko araudiaren arabera (1303/2013 Errege-lamenduko XII. eranskina).

10.– Automatikoki egiaztatuko da eskaera egiten duten erakundeek zerga-betebeharrak eta Gizarte Segurantzarekikoak egunean dituztela, eta, horretarako, ez da eskatzaileen baimenik

beharko, hala xedatzen baitu azaroaren 11ko 1/1997 Legegintzako Dekretuak, Euskadiko Ogasun Nagusiaren Antolarauei buruzko Legearen Testu Bategina onartzen duenak, 50.3 artikuluan.

11.– Eskualde-esparruko hainbat entitatek (Eusko Jaurlaritzako Enplegu eta Gizarte Politike-tako Saila eta Kontrol Ekonomikoko Bulegoa) zein Europako Batasunekoek (Europako Batzordea eta Europako Kontuen Auzitegia) Europako Gizarte Funtsaren esparruan esleituta dituzten egiaz-tapen- eta kontrol-ekintzen mende jartzea.

12.– Entitateek erantzukizunpeko adierazpen bat sinatu beharko dute, parte hartzeko eskabi-dearekin batera aurkeztu beharrekoa, behean jasotzen diren baldintzak betetzeari dagokionez:

Entitate onuradunak ez duela jasotzen, deialdi honen babesean emandako jarduera-ildoeta-rako, Europako Egiturazko eta Inbertsioko Funts batekin finantzatutako beste programa operatibo bateko laguntzarik, ezta Batasuneko beste finantza-tresnaren bateko laguntzarik ere, eta ekintzak gauzatzeko unean halakorik jasotzen badu horren berri emateko konpromisoa hartzen duela.

Entitate eskatzailea ez dagoela laguntza edo diru-laguntza publikoak jasotzea eragozten dion administrazio- edo zigor-arloko zehapen baten pean, eta ez daukala horretarako legezko debekurik.

7. artikulua.– Jarduketa-ildoen definizioa eta ezaugarriak.

1.– Agindu honen ondorioetarako, 2014-2010ko Gazte Enplegurako Programa Operatiboaren tarte autonomikoan parte ahalko dute beren artean lotutako eta koordinatutako jarduera-multzoek, helburu espezifiko batzuk lortzeko esku-hartze integratua osatzen badute, aurreikusitako ekin-tza, produktu eta emaitzen arteko kausazko loturak erakusten dituen esku-hartzeko logika egoki batean oinarrituta, eta beharrezko giza baliabideak, baliabide materialak eta denbora-tarte jakin bat eskura izanik.

2.– Partaidetza-proposamenek emaitzetan oinarritutako ikuspuntua izan beharko dute. Eskakizun hori proposamenaren gauzatzearen eta emaitzen adierazleen bidez kalkulaturako balioen arabera aztertuko da, Europako Gizarte Funtsari buruzko 1304/2013 Erregelamenduak I. eta II. eranskinetan xedatutakoaren arabera.

8. artikulua.– Eskabideen aurkezpena.

1.– Eskabideak aurkezteko epea 2015eko otsailaren 28ra artekoa izango da.

2.– Gazte Enplegurako Programa Operatiboaren tarte autonomikoaren barruan jarduketa-ildoak garatu nahi dituzten entitateek Eusko Jaurlaritzako Enplegu eta Gizarte Politiketako Saileko Erregistroan aurkeztu beharko dute bere eskabidea (Donostia kalea 1, 01010 Vitoria Gasteiz), edota azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearenak, 38.4 artikuluan aurreikusitako tokietako batean.

3.– Eskabidea Agindu honen II. eranskinean jasotako inprimakia bete eta aurkeztuz egingo da.

4.– Hona hemen eskabide-orrian bete beharreko datuak: entitate eskatzaileari buruzko informazioa, beste entitate parte-hartzaileen izenak, partaidetza-proposamenaren izena eta helburuak, eta proposamen hori zer gaikako helburu, inbertsio-lehentasan eta helburu espezifikoren barruan sartzen den.

9. artikulua.– Eskaerari erantsi beharreko dokumentazioa.

Eskabidearekin batera aurkeztu beharko dira jarraian zehaztuko diren agirien bina ale, bat paperean eta bestea informatika-euskarri batean (USB memoria edo CDa):

A) Memoria, II. eranskinean jasotako ereduaren arabera, osagai hauek azaltzen dituen:

1.– Jarduketa-ildoaren deskribapena: Izenburua. Partaidetza-proposamenaren osagai nagusiak, xede-taldeak, esku-hartzearen logika, ezarpen-estrategiak eta, hala badagokio, parte hartzen duen kide bakoitzaren ekarpena.

2.– Jarduketaren kolektibo hartzaileen egoeraren analisia.

3.– Lan-programa: helburuak ekintzak eta horien hurrenkera eta integrazioa, giza baliabideak eta baliabide materialak, kronograma.

4.– Gauzatzearen eta emaitzen adierazleak helburu espezifikoari dagokionez. 2016 eta 2018 urteetarako dagozkion helburuak zehaztu beharko dira.

5.– Guztizko aurrekontua, ekintzen eta urteen arabera zehaztuta. Aurrekontuan sartu beharko da, dagokionean, 6.8 artikuluan aipatutako genero-arloko aditu-aholkularitza kontratatzekeo beharra.

6.– Informazio-sistema, ekintzen jarraipena eta ebaluazioa egiteko eta datuak elkartrukatzeko balioko duena.

7.– Erabilitako kudeaketa-sistemen deskribapena, aukera hauen artean: 1) diru-laguntzen deialdia; 2) zuzeneko kudeaketa; 3) hitzarmena; 4) zerbitzuak kontratatzea.

Kudeaketa-sistema diru-laguntzen deialdia eta hirugarrenekin hitzarmena bada, memorian honako hau azaldu beharko da:

Deialdiaren barruan operazioak hautatzeko baliatutako irizpideak.

Diruz lagun daitezkeen gastuak.

2014-2010ko Gazte Enplegurako Programa Operatiboaren tarte autonomikoan emandako laguntzen trazabilitatea eta egokitasuna ziurtatzeko modua ematen duten alderdi guztiak.

8.– 6.7 artikulua arabera, proposamen batean hainbat entitatek batera parte hartzen badute, zehaztuen hauek jasotzen dituen agiri bat aurkeztu beharko da: entitate bakoitzaren jardura eta pisu-finantzarioa, helburuak lortzeko orduan entitate bakoitzak duen eginkizuna, eta zer erantzukizun finantzario hartu behar dituzten beren gain baldin eta Batasuneko laguntza itzultzeko eskatzen bazaie, finantza-zuzenketaren bat dela medio.

B) Entitatearen memoria, II. eranskinean jasotako ereduaren arabera, osagai hauek azaltzen dituen:

1.– Entitateak azken hiru urteetan egindako lanak, honako hauek nabarmenduz: ohiko desberdintasun-eskemak haustera bideratutako proiektuak (halakotzat jotzen dira nazionalitatea, sexua, arraza edo jatorri etnikoa, erlijioa edo sinesmenak, desgaitasuna, adina edo sexu-joera direla medio sortutakoak), eta garapen iraunkorraren ikuspuntua barne hartzen duten jarduerak edo prozesuen kudeaketak.

2.– Entitateak kudeatutako proiektuen artean, erakunde nazional zein europarren diru-laguntzak jaso dituztenen zerrenda.

3.– Halakorik balego,

a) Entitate eskatzaileak berdintasunaren arloan izan ditzakeen enpresa-ziurtagiri edo -bereizgarriak, edo emakume eta gizonen arteko aukera-berdintasunaren arloko laguntzaile gisara jasotakoa.

b) Kudeaketaren kalitatearen edo bikaintasunaren arloko ziurtagiri edo bereizgarriak.

4.– Jarduketak gauzatu eta kudeatzeko beharrianak estaltzera bideratzea aurreikusten diren giza baliabideak.

C) III. eta IV. eranskinak, behar bezala beteta, eta entitate eskatzailearen legezko ordezkariaren kreditazioa irabazi asmorik gabeko entitate pribatuen kasuan edo, 5. artikuluko e) eta f) atalen arabera, beren merkataritza-jarduera lehentasunez gizarte-helburu baten mende duten entitateen kasuan. Entitate publikoen kasuan, eskariak eskumeneko organoak egin beharko ditu.

10. artikulua.– Eskabidean egindako hutsak zuzentzea.

Diru-laguntza eskaerak oso-osorik eta behar bezala betetzen ez badira edo derrigor aurkeztu beharreko agiriekin aurkezten ez badira, eskatzaileari hamar eguneko epea emango zaio, akatsa zuzendu dezan edo falta diren agiriak aurkez ditzan, eta ohartaraziko zaio ezen, agindutakoa bete ezean, eskariari uko egin diola ulertuko dela. Kasu horretan, Administrazioak eskariari buruzko ebazpena esanbidez eman beharra dauka, baita jakinarazi beharra ere, hala xedatzen baitu azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearenak, 71.1 eta 42.1 artikuluetan.

11. artikulua.– Laguntzak kudeatzeko organoa.

Plangintzako eta Enplegu Berrikuntzako Zuzendaritzari dagokio Agindu honetan aurreikusitako laguntzak kudeatzea. Zuzendaritza hori Eusko Jaurlaritzako Enplegu eta Gizarte Politiken Sailari atxikita dago.

12. artikulua.– Eskabideen Balioespen Batzordea.

1.– 2014-2020ko Gazte Enplegurako Programa Operatiboaren tarte autonomikoaren barruan Europako Gizarte Funtzaren finantziakzioa jasotzeko eskabideak Balioespen Batzordeak aztertuko ditu; Batzorde hori berariaz sortuko da eginkizun horretarako.

2.– Honako hauek osatuko dute Balioespen Batzordea:

Eusko Jaurlaritzako Plangintzako eta Enplegu Berrikuntzako zuzendaria edo horrek ordezkari-tzat izendatutakoa; berdinketaren kasuan, kide honek kalitate-botoa izango du.

Lanbide-Euskal Enplegu Zerbitzuko zuzendaria.

Enplegu eta Gizarte Politiketako Saileko edota Lanbide-Euskal Enplegu Zerbitzuko teknikari-profila duten lau pertsona, berariaz izendatuak; horietako batek idazkari-lanak egingo ditu, eta hitza adierazteko zein botoa emateko eskubidea izango du.

Enplegu eta Gizarte Politiketako Saileko berdintasuneko teknikaria edo, bestela, Lanbide-Euskal Enplegu Zerbitzuko berdintasuneko teknikaria.

3.– Balioespen Batzordea osatu behar duten pertsonak izendatzerakoan, gaitasun, ahalmen eta prestakuntza egokiak dituzten emakume eta gizonen presentzia orekatua sustatuko da, otsailaren 18ko 4/2005 Legeak, emakumeen eta gizonen berdintasunerakoak, 23. artikuluan ezarritakoari jarraituz.

4.– Balioespen Batzordeak ezaguera-arlo jakin batzuetako adituen aholkularitza eskatu ahalko du eskabideak aztertzeko orduan, ebaluatu beharreko irizpidearen edo azpi-irizpidearen izaera-rengatik gomendagarria denean.

5.– Eskabideak aztertzean, Balioespen Batzordeak agiri gehiago aurkezteko eskatu ahalko diete eskatzaileei aurkeztutako proposamena hobeto ulertzeko beharrezkoa bada.

6.– Agindu honen 13. artikuluan zehaztutako balioespen-irizpideetan oinarrituta, Balioespen Batzordeak aurkeztutako eskabideei buruzko ebazpen-proposamena egin eta igorriko dio esku-meneko organoari.

7.– Agindu honetan aurreikusi gabeko alderdi guztietarako, Balioespen Batzordea kide anitzeko organoen funtzionamenduari buruzko araei lotuko zaie, azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearenak, II. Tituluaren II. Kapituluan xedatutakoaren arabera.

13. artikulua.– Laguntza emateko prozedura eta eskabideak hautatu eta balioesteko irizpideak.

1.– Agindu honetan araututako laguntzak emateko prozedura publizitate, lehia eta objektibotasun printzipioekin bat etorrita gauzatuko da.

2.– Eskabideak aurkezteko epea bukatu ondoren hasiko da aurkeztutako eskabideen balioespena.

3.– Eskabideak balioestean aurkeztutako proposamenen kalitatea hartuko da oinarritzat, entitate eskatzaileen memoriak eta gaitasun tekniko zein administratiboak aintzat hartuta. Era berean, proposamenen edukia Agindu honen 9. artikuluan xedatutakoari lotu beharko zaio.

4.– Eskabideen balioespena 1 eta 100 puntu bitarteko eskalan egingo da. Honako hauek dira balioespen-irizpideak eta horien puntuazio-baremoa:

4.1.– Proposamenen kalitatea 82 puntu.

a) Jarduketa-ildoen diseinua: argitasuna, beharrezkotasuna eta garrantzia 20 puntu.

b) Aurreikusitako emaitzak 20 puntu.

c) Planteamendu metodologikoa 20 puntu.

d) Printzipio horizontalak betetzea eta, bereziki, genero-ikuspuntua jarduketaren fase guztietan sartzea 12 puntu.

e) Berrikuntza 10 puntu.

4.2.– Entitate eskatzaileen gaitasun tekniko eta administratiboa 18 puntu.

a) Gaitasun teknikoa 10 puntu.

b) Gaitasun administratiboa 8 puntu.

Entitate eskatzaileen proposamenak eta gaitasunak balioesteko azpi-irizpideak eranskin honen V. eranskinean kontsulta daitezke.

5.– Balioespen-irizpideen arabera gutxienez ere 60 puntu lortzen dituzten proposamenek izango dute finantziazioa jasotzeko aukera. Gutxieneko puntu-kopuru horretara iristen ez diren proposamenak ez dira aintzat hartuko.

6.– Entitateek eskakizunak betetzen dituztela aztertu eta proposamenen kalitatea balioesteko prozesua bukatu ondoren, eskabideak lortutako puntuen arabera hurrenkeran sailkatuko dira, puntu gehien duenetik gutxien dituenara; ondoren, diru-laguntzak entitate onuradunen artean banatuko dira, Agindu honen 2. artikuluan xedatutakoari jarraiki.

7.– 60 puntu baino gehiago lortu dituzten proposamenei eman beharreko Europako Gizarte Funtseko laguntzaren kopuruak 2.2 artikuluan ezarritako muga gainditzen badu, puntu gehien duten proposamenak hautatuko dira, muga horretara iritsi arte.

8.– Balioespen-prozesuan lortutako puntuen arabeko hurrenkerari jarraiki azken proposamen hautagarriari dagokion kopuruak 2.2 artikuluan ezarritako gutxieneko muga gainditzen ez badu, baina kopuru hori eskatutako zenbatekoaren guztizkoa estaltzeko nahikoa ez bada, jarduketa-proposamena eskuragarri dagoen zenbatekora birdoitzeko aukera emango zaio entitate eskatzaileari.

9.– Batasuneko finantziazioaren soberakina 2.2 artikuluan ezarritako gutxieneko mugatik behe-rakoa bada, 2014-2020ko Gazte Enplegurako Programa Operatiboaren tarte autonomikoaren esparruan finantzatu beharreko programak eta jarduketa-ildo propioak aurkezteko gordetzen duen funtsera erantsiko dio Eusko Jaurlaritzak.

14. artikulua.– Diru-laguntzak emateko ebazpena.

1.– Agindu honen 13. artikuluan aipatutako Balioespen Batzordearen eskabideak onartzeko edo ukatzeko ebazpen-proposamena aztertu ondoren, Eusko Jaurlaritzako Enplegu eta Laneko sailburordeak adostuko du, berariazko ebazpenaren bitartez, Euskal Autonomia Erkidegoan Europako Gizarte Funtseko Programa Operatiboan parte hartu duten laguntzak ematea.

2.– Ebazpena bana-bana jakinaraziko zaie eskatzaile guztiei, aurkeztu duten proiektuaren arabera; hala eta guztiz ere, eskatzaile guztiek izango dute espedientea osorik kontsultatzeko eskubidea, eta ebazpena argitara emango da, artikulua honen 7. puntuan aipatzen den bezala.

3.– Entitate interesatuek laguntza emateko ebazpenaren jakinarazpena jaso ondorengo 10 egunetan adostutako laguntzari esanbidez uko egiten ez badiote, Euskal Autonomia Erkidegoko Gazte Enplegurako Programa Operatiboan parte hartzea onartu dutela ulertuko da. Finantziazio-eskaera onartzen ez bada, ebazpenak horren arrazoi zehatzak adieraziko ditu, ezarritako eskakizun eta balioespen-irizpideetan oinarrituta.

4.– Emateko ebazpenak honako eduki hauek izango ditu, gutxienez:

a) Erakunde onuradunaren izena eta onartutako jarduketa-ildoaren izendapena.

b) 2014-2020ko Euskal Autonomia Erkidegoko Gazte Enplegurako Programan parte hartzeko ildoaren helburua eta indarraldia. Onartutako jarduketa-ildoaren deskribapen laburra.

c) Europako Gizarte Funtseko laguntzaren zenbatekoa.

d) Justifikazio- eta ordainketa-sistema.

e) Ikuskapen-, jarraipen- eta kontrol-sistema.

5.– Ebazpen horiek ez dute administrazio-bidea agortzen, eta horien aurka gora jotzeko erre-kurtsoa aurkez daiteke Enplegu eta Gizarte Politiketako sailburuordearen aurrean, hilabeteko epean jakinarazpen-egunaren biharamunetik zenbatzen hasita, azaroaren 26ko 30/1992 Legeak, Herri Administrazioen Araubide Juridikoaren eta Administrazio Prozedura Erkidearenak, 107. eta hurrengo artikuluetan xedatutakoari jarraiki.

6.– Ebazpena entitate eskatzaileei jakinaraziko bazaie ere, emandako laguntzen berri emango da legeak ezarritako baldintzetan.

15. artikulua.– Ebazteko epea eta administrazio-isiltasuna.

Ebazpen honen babesean egindako jarduketa-ildoak onartzeko eskaerak ebazteko eta jakina-razteko gehieneko epea hiru hilabetekoa izango da.

Epe horretan esanbidezko ebazpenik eman ez bada, aurkeztutako eskabideak ukatu direla ulertuko da, hala xedatzen baitu Herri Administrazioen Araubide Juridikoaren eta Administrazio Prozedura Erkidearen 30/1992 Legeak, azaroaren 26koak, 44.1 artikuluan. Horrek ez du esan nahi, ordea, Administrazioak esanbidez ebazteko betebeharririk ez duenik.

16. artikulua.— Jarduketan eta gastuen justifikazioa.

1.— Laguntzaren entitate onuradunak urtero aurkeztu beharko du aurreko urteari dagokion Gauzatze Txostena, Enplegu eta Gizarte Politiketako Sailari atxikitako Plangintzako eta Enpleguaren Berrikuntzako zuzendaritzak eskatutako data eta baldintzetan.

Urteko Gauzatze Txosten horrek jarduketa justifikatu beharko du agindu honetan ezarritakoari dagokionez, bai Europako Gizarte Funtsaren Unitate Administrazioarekin aurrean eta bai, azken buruan, Europako Batzordearen aurrean ere. Txosten horretan jarduketaren azken hartzaileen datuak jasoko dira, horrela jarraipen- eta ebaluazio-arloko eskakizunak bete ahal izateko, Datu Pertsonalak Babesteari buruzko abenduaren 13ko 15/1999 Legeak ezarritakoari men eginez.

2.— Laguntzaren entitate onuradunak jarduketak gauzatzetik eratorritako gastuen egiaztagiriak aurkeztu beharko dizkio Enplegu eta Gizarte Politiketako Sailari, horrek emandako jarraibideei eta agindu honen 6. artikuluan aurreikusitako komunikazio- eta publizitate-betebeharrak aintzat hartuz, beti ere. Jarraibide horiek, berriz, 1303/2013 Erregelamenduak 67. eta 68. artikuluetan eta 1304/2013 Erregelamenduak 14. artikuluan xedatutakoari men egin beharko diote sinplifikatutako kostu-aukerei dagokienez. Gai horrekin lotuta, kudeaketa-metodo gisara diru-laguntzen deialdia edo hitzarmenak dituzten entitateei agintzen zaie 1304/2013 Erregelamenduak 14.4 artikuluan xedatutakoa bete behar dutela aurreko artikuluetan aipatutako sinplifikatutako kostu-sistemak aplikatzean, baldin eta laguntza publikoaren zenbatekoa 50.000 eurokoa edo gutxiagokoa bada.

Jarduketak gauzatzeko gastuen agirizko justifikazioak bermatu beharko du gastuak itzultzeko baldintzak betetzen direla egiaztatzeko modua ematen duen kontu-ikuskapeneko pista bat dagoela.

3.— Txostenarekin eta gastuen urteko justifikazioarekin batera, entitateak Urteko Jardueren Plangintza bidali beharko du, hurrengo urteko plangintza jasoko duena, xehetasun hauekin: helburuak, adierazleak, ekintzak eta horietara bideratutako aurrekontua, eta hasieran emandako jarduketa-ildoekiko aurreikusitako desbideratzeak. Plangintza horrek Plangintzako eta Enpleguaren Berrikuntzako Zuzendaritzaren esanbidezko onarpena jaso beharko du eta ikuskapen-lan horrek urteko esleipena aldatzea eragin dezake, Agindu honen 19. artikuluan xedatutakoarekin bat.

17. artikulua.— Diruz lagun daitezkeen gastuak.

1.— Diruz lagun daitezkeen epea Agindu hau Euskal Herriko Agintaritzaren Aldizkarian argitaratzen den egunaren biharamunean hasi eta 2018ko abenduaren 31n bukatuko da.

2.— Diruz lagun daitezkeen gastuak 1303/2013 Erregelamenduko 65. artikuluan eta 1304/2013 (EB) Erregelamenduko 13. artikuluan araututa daude, bai eta Egiturazko Funtsen finantziazioa jasotzen duten operazioetako gastuak finantzatzeari buruz aplikagarriak diren Batasuneko, estatuko, eskualdeko zein tokiko araudietan ere.

Oro har, entitate onuradunak ordaindu dituen eta jarduketekin zuzenean lotuta dauden gastuak onartuko dira, gastu hauek salbu: zeharkako zergak, horiek berreskuratu edo orekatzeko aukera dagoenean; errentaren gaineko zerga pertsonalak; zorren interesak; altzariak, ekipamendua, ibilgailuak, azpiegiturak, ondasun higiezinak eta lursailak erostea, berriak zein bigarren eskukoak direla; interesak, gainordainak eta administrazio-zehapenak zein zehapen penalak; eta prozedura judizialen gastuak.

Erakunde batek baino gehiagok parte hartzen duten jarduketa-ildoen kasuan, entitate horien artean zerbitzuak azpikontratatzan badira, kontratazio hori merkatu askeko baldintzetan egin beharko da.

18. artikulua.– Ordainketa-sistema.

1.– Europako Batzordeak arlo honetan egin ohi duenari jarraiki, ordainketak laguntzaren entitate onuradunek gauzatu eta 1303/2013 (EB) Erregelamenduan xedatutako kostuen justifikazio-prozeduren arabera egiaztatutako gastuetan oinarrituta egingo dira.

2.– Hala eta guztiz ere, Europako Batzordeak 1303/2013 (EB) Erregelamenduko 81. artikuluan araututako aurrefinantzaketa gertatzen bada, entitate onuradunari aurrefinantzaketa horri dago-kion zatia ordainduko zaio, Eusko Jaurlaritzak jasotzen duen unean.

3.– Europako Gizarte Funtsaren Unitate Administrazioaren bidez igorritako diru-itzultzeak jaso ondoren ordainduko da Europako Gizarte Funtsaren finantziarioa, Europako Batzordearengandik jaso eta gero. Hala eta guztiz ere, onuradunei ordaintzeko, ezinbestekoa izango da Programa Operatiboan parte hartzen ari zirela hasitako itzulketa- edo zigor-prozeduraren bat izapidetzen ari bada, prozedura horri amaiera ematea.

19. artikulua.– Laguntzen entitate onuradunen programazio-proposamen berriak eta ebazpenaren aldaketak.

Gizartearen, ekonomiaren edo lanaren egoera nabarmenki aldatzen bada eta aldaketa horiek modu adierazgarrian eragiten badiete EGFren laguntzarekin lotutako beharrezanezi eta hartzailer izan daitezkeen pertsonen, edo entitateen batek ez badu gauzatzen, edo hein batean soilik gauzatzen badu esleitu zaion urteko zenbatekoa, Programa Operatiboaren entitate onuradun horiek programazioa-proposamen berria egin ahaliko dute, behar bezala argudiatuta, beti ere. Hona hemen proposamena nola egin behar den:

1.– Plangintzako eta Enpleguaren Berrikuntzako Zuzendaritzak proposatutako aldaketen edo entitateari gertatutako desbideratzeen azalpen-txostena aztertuko du, bai eta, hala dagokionean, entitate onuradun horrek igorritako Urteko Jardueren Plangintza ere. Informazio horretan oinarrituta, urteko esleipen berri bat egingo da, iraunaldiaren bukaerara arte, 1303/2013 Erregelamenduaren 136. artikuluan araututako n+3 araua aintzat hartuta.

2.– Aurreko paragrafoan azaldutako esleipen berriaren ondorioz funtsak aske gelditzen badira, lehen aukera gisara funts horiek entitate berari esleitu zaizkio, Programa Operatiboaren esparruan onartutako beste jarduketa-ildoren bat badu. Entitate horrek funts gehiago jasotzeko biderik ez badu, berriz, aske gelditutako funts horien berri emango zaie Programa Operatiboan parte hartu duten entitateei, beren jarduketa-ildoak osatu eta hobetzeko gastu hautagarriaren esleipena igotzeko eskaera justifikatua aurkez dezaten. Eskaera horiek 12. artikuluan aurreikusitako Balioespen Batzordeak aztertuko ditu eta, eskaera berriei 13. artikuluan bildutako balioespen-irizpideak aplikatuz, gastua berriz esleitzeko proposamena igorriko dio Enplegu eta Laneko sailburuordeari, azken horrek dagokion emateko ebazpena eman dezan.

3.– Nolanahi ere, Enplegu eta Gizarte Politiketako Sailak askatutako funts horiek Eusko Jaurlaritzaren jarduketetara bideratzeko aukera gordetzen du, jarduketa horiek deialdi honen xede den Programa Operatiboaren gaikako helburuen, inbertsio-lehentasunen eta helburu espezifikoaren barruan sartzen diren heinean, beti ere.

4.– Era berean, hautemango balitz entitate onuradunen batek ez duela betetzen eman zaion esleipenaren ibilbide finantzarioa (n+3) eta horren ondorioz, 1303/2013 Erregelamenduak 136.

artikuluari aipatzen duen bezala, Batzordeak aurrekontu-konpromisoa askatzeko arriskua eragiten badu, Enplegu eta Gizarte Politiketako Sailak baliatu ahalko du gauzatu gabeko zenbatekoa, entitateari horren berri eman eta datuak alderatu ondoren, edo gastu-gaitasuna duen beste entitate bati esleitu (kasu horretan 2. atalean ezarritakoaren arabera jokatu beharko da) edo Eusko Jaur-laritzaren ekintzetara bideratu ahalko du.

5.– Baldintza jakin batzuetan beharrezkoa izan daiteke programazio berria Europako Batzordeak edo Programa Operatiboaren Jarraipen Batzordeak onartzea.

20. artikulua.– Agirien eskuragarritasuna.

1.– Laguntzaren erakunde onuradunek hiru urtez gorde beharko dituzte, eragiketaren gastuak sartuta dauden kontuen aurkezpenaren ondorengo abenduaren 31tik zenbatzen hasita, finantza-tutako gastuei buruzko ziurtagiri guztiak edo jatorrizko agiriekin bat datozen kopia egiaztatuak, oro har onartutako datu-euskarrietan.

Agiri horiek jatorrizkoetan edo jatorrizkoen kopia konpultsatuetan gordeko dira, edo oro har onartutako datu-euskarrietan, bereziki jatorrizko dokumentuen bertsio elektronikoak edo bertsio elektronikoan soilik dauden agiriak.

AZKEN XEDAPENETATIK LEHENENGOA

Agindu honetan administrazio-prozedurari dagokionez aurreikusi ez den guztian, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legea bete beharko da.

AZKEN XEDAPENETATIK BIGARRENA

Agindu honek amaiera ematen dio administrazio-bideari, eta, horren aurka, berraztertze-errekurtsoa aurkez dakioke Enplegu eta Gizarte Politiketako sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik hasita, hala xedatzen baitu Herri Administrazioen Araubide Juridikoaren eta Administrazio Prozedura Erkidearen 30/1992 Legeak, azaroaren 26koak, 107. eta hurrengo artikuluetan. Bestela, administrazioarekiko auzi-errekurtsoa aurkez daiteke zuzenean EAEko Auzitegi Nagusiko Administrazioarekiko Auzietarako Salan, bi hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik hasita, uztailaren 13ko 29/1998 Legak, Administrazioarekiko Auzietarako Jurisdikzioa arautzen duenak, 10.1.a) eta 46. artikuluetan ezarritakoaren arabera.

AZKEN XEDAPENETATIK HIRUGARRENA

Agindu honek Euskal Herriko Agintaritzaren Aldizkarian argitaratu eta biharamunetik izango ditu ondorioak.

Vitoria-Gasteiz, 2015eko urtarrilaren 20a.

Enplegu eta Gizarte Politiketako sailburua,
JUAN MARÍA ABURTO RIQUE.

I. ERANSKINA

PARTAIDETZA-PROPOSAMENEN ESKU-HARTZERAKO ESPARRUAK (GAIKAKO XEDEA, INBERTSIO-LEHENTASUNA ETA HELBURU ESPEZIFIKOAK) ETA AGINDU HONEN BIDEZ
FINANTZA DAITEZKEEN EKINTZEN ZERRENDIA ORIENTATIBOA

8.– gaikako xedea. Enpleguaren iraunkortasuna eta kalitatea sustatzea eta lan-mugikortasuna bultzatzea

IL.8.2.– Gazteak lan-merkatuan iraunkorki sartzea, bereziki langabeak eta ikasten edo prestakuntzarik jasotzen ari ez direnak, gizarte-bazterkeriako arriskuan daudenak eta komunitate baztertuetako gazteak barne, Gazte Bermea ere indarrean jarrita.

8.2.1.– helburu espezifikoa. Gazteen aktibazio goiztiarra hobetzea eta bitartekaritzako eta lan-mugikortasuneko prozesuak perfektionatzea, bereziki lanik ez dutenena edo hezkuntza- edo prestakuntza-sistemetan integratuta ez daudenena, baita gizarte-bazterkeria jasateko arriskuan dauden gazteena ere, edo baztertutako komunitateetakoena, une oro gizon-emakumeen egoera eta beharrian ezberdinak aintzat hartuta.

Ekintzak:

Lanbide-orientazioko, lan-informazioko eta laguntzako ekintzak.

Ekintzak kolokazio-agentziekin.

Mugikortasun-programak.

8.2.2.– helburu espezifikoa. Gazteen lan-trebetasunak eta -gaitasunak hobetzea, bereziki lanik ez dutenena edo hezkuntza- edo prestakuntza-sistemetan integratuta ez daudenena, baita gizarte-bazterkeria jasateko arriskuan dauden gazteena ere, edo baztertutako komunitateetakoena, une oro genero-ikuspuntua aintzat hartuta eta aukera- zein trataera-berdintasuna bultzatuz, gazte horien enplegarritasuna sendotzeko asmoz.

Ekintzak:

Bigarren aukerako programak.

Prestakuntza, kontratatze konpromisoarekin.

Prestakuntza espezifikoa hizkuntzetan eta IKTetan.

Lanekoak ez diren praktikak enpresetan.

Lanbide-heziketa duala bultzatzea, prestakuntzara eta ikaskuntzara bideratutako kontratuaren bidez.

Lan-eskarmentua eta/edo formalak ez diren prestakuntza-bideak direla medio lortutako lanbide-gaitasuna ebaluatzea eta egiaztatzea.

Profesionaltasun-ziurtagiriak lortzera zuzenduriko prestakuntza.

Lantegi-eskolen eta lanbide-etxeen programa.

8.2.3.– helburu espezifikoa. Ekintzaile-izpirituari sostengua ematea gazteengan erantzukizuna, berrikuntza eta ekintzailetza sustatuz, bereziki langabeengan eta hezkuntza- edo prestakuntza-sistemetan sartuta ez daudenengan, baita gizarte-bazterkeria jasateko arriskuan dauden edo

baztertutako komunitateetatik datozen gazteengan ere, emakume eta gizonen beharrian eta egoera desberdinak aintzat hartzen dituen analisi batetik abiatuta.

Ekintzak:

Autoenplegurako laguntzak.

Ekintzailatza-kulturari buruzko prestakuntza.

8.2.4.– helburu espezifikoak. Gazteak kontratatzekeo pizgarriak, genero-ikuspuntua aintzat hartuta, bereziki gazte langabeak eta hezkuntza- edo prestakuntza-sistemetan sartuta ez daudenak kontratatzekeo, baita gizarte-bazterkeria jasateko arriskuan dauden edo baztertutako komunitateetatik datozen gazteak ere.

Ekintzak:

Enplegurako laguntzak, gazteak sei hilabete baino gehiagoez kontratatzekeo

Prestakuntza eta enplegu-sustapena gazte ikerlarientzat.

Gizarte Ekonomia sustatzea.

Bestelako kontratazio-pizgarriak

Garatuko diren ekintza-motei buruz informazio gehiago nahi izanez gero, Gazte Bermea Ezartzeko Plan Nazionalean zehazten diren ekintzen katalogoan aurkeztutakoak kontsulta daitezke (esteka honetan aurki daiteke:

<http://www.empleo.gob.es/es/garantiajuvenil/queesGJ.html>

http://www.empleo.gob.es/ficheros/garantiajuvenil/documentos/plannacionalgarantiajuvenil_es.pdf

II. ERANSKINA

2014-2020 GAZTE ENPLEGURAKO PROGRAMA OPERATIBOAN PARTE HARTZEKO
ESKABIDE-ORRIA**ERAKUNDE ESKATZAILEA**

Izena edo sozietatearen izena:

Izaera juridikoa:

IFZ:

Jardun-eremua:

Helbidea:

Harremanetarako telefonoa: Faxe:

Helbide elektronikoa:

Harremanetarako pertsona arduraduna:

PARTE HARTZEN DUTEN BESTE ERAKUNDE BATZUK**PARTAIDETZA-PROPOSAMENAREN IZENA:**

Gaikako xedea:

Inbertsio-lehentasuna:

Helburu espezifikoak:

PROPOSATUTAKO EKINTZEN GUZTIZKO KOSTUA:

Izenpetua:

Kargua:

Zigilua

MEMORIA

(Arial 10 hizkiekin eta lerroarte arruntarekin bete beharrekoa. Luzera, gehienez, 15 orrialdekoa izango da, bi aldeetan idatzita).

Esku-hartzeko estrategien oinarrian dauden esparru teorikoa eta egitateak, eta diruz lagungarriak diren ekintzen, aurreikusitako irteeren eta emaitzen arteko lotura, beti ere V. eranskineko balorazioan jasotako irizpide eta azpi-irizpideak aintzat hartuta.

1.– Jarduketa-ildoen helburuak.**2.– Kolektibo hartzaileen egoerari buruzko azalpen laburra (genero-arraila aintzat hartuta).****3.– Jarduketa-ildoen deskribapena.****4.– Jardun-egutegia.**

Hasiera-data:.....

Amaiera-data:.....

5.– Garatu beharreko jarduerak:

Jarduera:	Erakunde arduraduna:	Hasiera-data:	Amaiera-data:

6.– Aurreikusitako emaitzak. Sexuaren arabera bereizitako adierazleak azken hartzaileei buruzko datuak badira. (1304/2013 Erregelamenduko I. eranskina)

Gauzatze-adierazleak.

Adierazlea	2016	2018

Emaitzen adierazleak.

Adierazlea	2016	2018

7.– Inpaktua (Europa 2020 Estrategiari egindako ekarpena).
8.– Aurrekontua.

Guztizko aurrekontua:

Aurrekontua jarduera eta urte bakoitzeko¹

Jarduera	2015	2016	2017	2018	Guztira

9.– Jarduerak gauzatu eta kudeatzera bideratutako giza baliabideak.

¹ Urte bakoitzerako aurrekontuari n+3 araua aplikatuko dela ulertzen da

10.– Informazio- eta publizitate-neurriak.**11.– Kudeaketa-, jarraipen- eta kontrol sistemak.**

ENTITATEAREN MEMORIA

12.– Egiturazko Funtsen printzipio horizontaletara lotuta dauden gauzatutako lanak.

13.– Deialdiko gaiekin bat datozen arloetan sartzen diren proiektuen zerrenda

14.– Enpresa-ziurtagiriak edo -bereizgarriak emakume eta gizonen arteko aukeraberdintasunaren arloan edo kudeaketaren kalitate eta bikaintasunaren arloan.

III. ERANSKINA

JARDUNA BATERA FINANTZATZEKO KONPROMISOA.

EUSKAL AUTONOMIA ERKIDEGOKO GAZTE-ENPLEGURAKO PROGRAMA OPERATIBOA

.....
jaunak/andreak, erakundearen
legezko ordezkari gisara (enpresaren identifikazio-datuak erantsitako eskabide-orrian ageri dira)

ADIERAZTEN DU:

Euskal Autonomia Erkidegoko 2014-2020 Gazte Enplegurako Programa Operatiboan parte hartzea eskatu duela, jarduera zehatz batzuk gauzatuz. Hona hemen jarduera horien Helburu espezifikoa:

KONPROMISOA HARTZEN DU:

%.....-ean finantzatzeko Programa Operatibo horretan sartzeko onartutako ekintza-ildoen guztizko kostua, egotzitako gastuak diruz laguntzeari dagokionez aplikagarria den araudiari men eginez.

.....(e)n, 2015eko aren(e)(a)n.
(Eskatzailearen sinadura eta zigilua)

Izenpetua:

Oharra: Jarduna batera finantzatzeko konpromiso guztien baturak % 7,5 bermatu beharko du 2. ardatzean.

IV. ERANSKINA

ESKAERARI ERANTSI BEHARREKO DOKUMENTAZIOA

..... jaunak/andreak,
..... erakundearen (.....IFK eta egoitza
.....-(e)n duena) legezko ordezkari gisara, eman du beheko

ERANTZUKIZUNPEKO ADIERAZPEN HAU.

Honen bidez adierazten du ordezkatzeko duen erakundea:

☐ Ez dagoela sartuta itzultze- edo zehapen-prozedura batean, Euskal Autonomia Erkidegoko Administrazio Orokorra eta bere erakunde autonomoek emandako izaera bereko laguntzen edo diru-laguntzen esparruan.

☐ Ez duela zigor- edo administrazio-arloko zigorrak jaso eta, horren ondorioz, ez duela galdu laguntza edo diru-laguntza publikoak eskuratzeko aukera, edo ez dagoela horretarako ezgaitzen duen lege-debeku baten eraginpean, Emakumeen eta Gizonen berdintasunerako otsailaren 18ko 4/2005 Legearen arabera sexu-diskriminazioan erori izanagatik lege-debekuak barne.

☐ Ez duela jasotzen, deialdi honen babesean emandako jarduera-ildoetarako, Europako Egiturazko eta Inbertsioko Funtz batekin finantzaturako beste programa operatibo bateko laguntzarik, ezta Batasuneko beste finantza-tresnaren bateko laguntzarik ere, eta ekintzak gauzatzen ari dela halakorik jasotzen badu horren berri emateko konpromisoa hartzen duela.

☐ Indarreko araudian laguntza hauen onuradun izateko ezarritako eskakizunak betetzen dituela, eta eskabidean zein horrekin batera aurkeztutako agirietan jasotako datuak egiazkoak direla.

Hala ziurtatzen da(e)n, 2015ekoaren(e)(a)n.

Izpta. (eskatzailearen sinadura eta zigilua)

V. ERANSKINA

ESKABIDEEN KALITATEA BALIOESTEKO ETA PUNTUAZIO-BAREMOETARAKO IRIZPIDE ETA AZPI-IRIZPIDEAK

a)	Jarduketa-ildoen diseinua: argitasuna, beharrezkotasuna eta garrantzia	20
1	Proposamenak behar bezala zehazten ditu landuko diren arazoak, beharrianak eta kolektibo hartzaileak.	6
2	Proiektuaren helburu orokorrak eta ekintzen helburu espezifikoak argitasunez zehaztuta daude, errealistak edo gauzagarriak dira, koherentzia logikoa dute haien artean eta garrantzitsuak dira arazoaren definizioari dagokionez.	5
3	Esku-hartzearen logika egokia da, jarduketaren, produktuen eta aurreikusitako emaitzen arteko kausazko loturak erakusten dituenak, eta egokia da, orobat, parte hartzen duen kolektiboaren beharrianak aintzat hartuta.	4
4	Proposamenaren beren artean lotutako eta koordinatutako hainbat jarduketa aurkezten dira, integratutako esku-hartze bat osatzen dutenak, eta behar bezala doitzen direnak parte hartzen duten pertsonen beharrian berezietara; horrela, gizarteratzeko edota laneratzeko bide egokiak izan daitezke.	5
b)	Aurreikusitako emaitzak: eraginkortasuna eta efizientzia	20
5	Helburuek, jarduketek eta parte-hartzaile kopuruak proposamen gauzagarria osatzen dute eskatutako finantziazioari dagokionez.	5
6	Gauzatzearen adierazle komunak eta espezifikoak, sexuaren arabera banatuta: esku-hartzearen mota bakoitzeko adierazle baliagarri eta fidagarriak ezarri dira. Adierazle bakoitzean lortu beharreko balioak edo helburuak, ezarritako denbora-tarteari dagokionez, baliatutako bitartekoekiko egokia den ahalegina egin beharko dela aurreikusi daiteke.	5
7	Emaitzen adierazleak: balio jakin batzuk ezartzen dira Europako Gizarte Funtsari buruzko 1304/2013 (EB) Erregelamenduko I. eta II. eranskinetan agertzen diren emaitza komunaren adierazleetarako, baita esku-hartzearen eta proiektuaren motarako egokiak diren beste adierazle batzuk ere. Aurreikusitako emaitzen bi balio ematen dira, berehalako emaitzei dagokiena bata eta epe ertainekoei (6 hilabete) dagokiena bestea.	4
8	Inpaktua. Nolabaiteko ahalegina egin da proiektuak Europako 2020 Estrategian ezarritako helburuak betetzeari egingo dion ekarpena neurtzeko. Halaber, inbertsioaren itzulera kalkulatzeko metodoaren bat aplikatzea aurreikus daiteke.	3
9	Emaitzen komunikazioa eta hedapena. Emaitzen berri emateko eta horiek hedatzeko hartuko diren neurriak zehazten dira, beti ere, Batasuneko araudi errespetatuz.	3
c)	Jarduketa-proposamenaren planteamendu metodologikoa	20
10	Lan-plangintza bat egin da, proiektua denboran zehar garatzeko osagai nagusiak barne hartzen dituenak, hala nola: helburuak, ekintzak eta horien hurrenkera, proiektuaren taldea, esku-hartzearen taldea, baliabide materialak, proiektuaren finantzaketa, epe labur eta ertaineko emaitzen aurreikuspena, informazioa kudeatzeko sistema eta proiektuaren jarraipen- eta ebaluazio-sistema.	5
11	Baliabideen mobilizazioa eta sinergiak: proiektuaren diseinuari eta garapenari dagokionez, ikuspuntua integratua eta osoa da, hainbat erakunde, sistema eta	5

	pertsonek eskaintzen dituzten baliabideak, ezaguerak eta aukerak baliatu ahal izateko lankidetzara irekia; hori guztia pertsonen beharrezanean erantzun egokia eman ahal izateko. Horrela, proiektuak hainbat eragileren sostengua jasotzen du eta beste hainbeste mobilizatzen ditu, hala nola, eskualdeko eta tokiko eragileak, eragile sozialak, enpresak, gobernu kanpoko erakundeak, etab.	
12	Nolabaiteko xehetasunez deskribatu eta arrazoitu dira prozedurak eta metodoak, hala nola, partaideak aukeratzeko irizpideak, beste eragile edo erakunde batzuekin koordinatzeko mekanismoak edota esku-hartzeen ezaugarriak.	4
13	Identifikatu dira emaitzak lortzea eragotz lezaketen faktore kritikoak edo arriskutsuak, bai eta horiei aurrea hartzeko zein horiek konpontzeko ekintzak ere.	3
14	Jarduketa-ildoen ezarketa behar adinako zehaztasunez azaldu da (nork, nola, noiz, non, etab.), horrenbestez, baieztatu daiteke entitateak behar adinako gaitasuna duela haiek ongi gauzatzeko.	3
d)	Printzipio horizontalak betetzea eta, bereziki, genero-ikuspuntua jarduketaren fase guztietan sartzea.	12
15	Emakumeen eta gizonen egoera ezberdinen analisia proiektuaren eragin-eremuan (diagnosi-fasea).	2
16	Proiektuak ekintza positiboko neurriak barne hartzen ditu, emakume eta gizonen arteko aukera-berdintasuna oztopatzen duten genero-arraiak murriztera bideratuta; adibidez, proiektuak partaideen lana, familia eta bizitza pertsonala uztartzeko neurriak proposatzen ditu, edota parte-hartzaileen sexuaren arabera banaketa, gehienez, %60 eta %40 izateko modua bilatzen du.	2
17	Proiektuaren barruan Emakumeen eta Gizonen arteko Aukera Berdintasunari buruzko sentiberatze-modulu bat sartu da, prestakuntzaren zeharkako eduki gisara.	2
18	Proiektuak hainbat eratako oztopoak kentzera bideratutako jarduerak proposatzen ditu, hala nola, baliabideetara jotzeko dauden oztopoak edo bereizkeria-faktoreekin (jatorri etnikoa, adina, erlijio-sinesmenak, desgaitasuna eta sexu-joera, besteak beste) lotutakoak.	3
19	Proiektuaren plangintzan ingurumen-iraunkortasunaren ikuspuntua aintzat hartzen da.	3
e)	Berrikuntza	10
20	Proposamenak konponbide berritzaileak garatzen eta aplikatzen ditu beharrezanean erantzuteko, dela beharrez horiei oraindik erantzunik eman ez zaiolako, dela parte-hartzaileei zein inplikaturako beste alde batzuei balio erantsi berri bat ematen zaielako.	4
21	Proposamena denboran iraungo duen esku-hartze sozialeko prototipo bat izan daiteke.	3
22	Proposamenak potentziala du eskalagarritasunari dagokionez, hau da, parte-hartzaile gehiagori aplikatu daieke.	3
f)	Entitatearen gaitasun teknikoa	10
23	Entitateak giza baliabideen kopuru nahikoa eta egokia bideratu du proposatutako jarduketa-lerroak gauzatu eta kudeatzera.	5
24	Entitatearen ibilbideari eta egindako lanari erreparatuta, esperientzia du sozialki konprometitutako erakunde gisara, adibidez: ohiko desberdintasun-eskemak haustera bideratutako proiektuetan (halakotzat jotzen dira nazionalitatea, sexua, arraza edo jatorri etnikoa, erlijioa edo sinesmenak, desgaitasuna, adina edo sexu-joera direla medio sortutakoak), bai eta garapen iraunkorraren ikuspuntua barne hartzen duten jarduerak edo prozesuak kudeaketan ere.	5

g)	Entitatearen gaitasun administratiboa	8
25	Entitateak baditu deialdiaren gaiekin lotutako proiektuak kudeatzen eta justifikatzen esperientzia duten langileak.	3
26	Kudeaketa bikainerako eta estandar normalizatuen arabeko sistema bat diseinatuz edo ezarriz, entitateak kalitatearekiko duen konpromisoa egiaztatzen du.	3
27	Entitateak prozesuen, kudeaketaren (barne-ikuskapenak) eta finantza-arrazoizkotasunaren (kontabilitatearen kanpo-ikuskapenak) kalitate-txostenak ditu.	2